

## **NOTIS PRIVASI UNTUK PEMOHON PEKERJAAN DAN PERSONEL**

### **1. Pendahuluan**

- 1.1. Kami, PLUS Malaysia Berhad (No. Pendaftaran 201001039714 (923639-A)), anak syarikat dan syarikat bersekutu kami (secara kolektif selanjutnya disebut sebagai, "PLUS" atau "kami") menghormati hak privasi subjek data (selepas ini disebut sebagai, "anda") dan kami menghormati semua maklumat peribadi yang diberikan kepada kami.
- 1.2. Kami komited untuk melindungi semua maklumat peribadi yang disimpan oleh kami. PLUS terikat oleh Akta Perlindungan Data Peribadi 2010 ("APDP") dan semua undang-undang lain di Malaysia yang tergunapakai berkenaan dengan perlindungan privasi yang menetapkan prinsip-prinsip berkenaan dengan maklumat peribadi dan perlindungan pengguna di Malaysia.
- 1.3. Anda bertanggungjawab untuk membaca Polisi & Notis Privasi penuh kami di laman web korporat PLUS, iaitu [www.plus.com.my](http://www.plus.com.my) setiap kali sebelum memberikan Data Peribadi anda kepada kami. Dengan memberikan Data Peribadi anda kepada PLUS, anda dengan ini memberikan persetujuan untuk kami mengumpul, mengguna dan memproses Data Peribadi anda.
- 1.4. Anda dengan ini memahami dan memberikan persetujuan bahawa Data Peribadi anda boleh dipindahkan, disimpan, diguna dan diproses dalam bidang kuasa selain Malaysia, seperti yang dinyatakan dalam Notis Privasi ini atau di mana-mana pelayan kami yang berada di luar Malaysia.
- 1.5. Kecuali dinyatakan sebaliknya, definisi Notis Privasi untuk Pemohon Pekerjaan dan Personel ini akan mengikuti definisi yang dinyatakan di bawah Polisi Privasi.

### **2. Jenis-Jenis Data yang Dikumpul**

- 2.1. Sepanjang proses permohonan pekerjaan dan pekerjaan anda, kami boleh mengumpul Data Peribadi berikut: -
  - nama;
  - tarikh lahir;
  - umur;
  - kewarganegaraan;
  - negara, negeri dan bandar tempat tinggal anda;
  - gambar;
  - agama;
  - kaum;
  - jantina;
  - status perkahwinan;
  - butiran keluarga;
  - nombor kad pengenalan/ passport dan imejnya/ gambarnya;
  - maklumat perhubungan seperti telefon bimbit, alamat dan e-mel;

- rekod perubatan;
  - status hubungan;
  - latar belakang pendidikan;
  - perbelanjaan bulanan seperti bil utiliti, pinjaman bank, hutang kredit kad dan insurans;
  - butiran punca pendapatan termasuk pasangan;
  - pengalaman kerja; dan
  - data biometrik.
- 2.2 Kami juga boleh memperoleh maklumat peribadi anda dari sistem maklumat dan agensi-agensi pelapor umum sedia berkaitan dengan pekerjaan anda.
- 2.3 Kecuali dinyatakan sebaliknya, maklumat anda adalah perlu bagi kami. Sekiranya anda tidak memberikan semua maklumat yang diminta, kami berkemungkinan tidak dapat menawarkan pekerjaan kepada anda.
- 2.4 Jenis data yang dikumpulkan yang dinyatakan di dalam Perenggan 2.1 di atas adalah tidak menyeluruh (*non-exhaustive*) dan boleh berubah sebagaimana yang dirasakan perlu oleh PLUS.

### **3. Data Peribadi Sensitif**

- 3.1 Sekiranya dikehendaki di bawah undang-undang Malaysia, PLUS akan mendapatkan persetujuan daripada anda sebelum kami memproses Data Peribadi Sensitif anda.
- 3.2 PLUS akan memproses maklumat peribadi atau maklumat peribadi sensitif tanpa persetujuan anda hanya dalam situasi terhad seperti yang dibenarkan oleh undang-undang Malaysia.

### **4. Sumber Data**

- 4.1 Selain daripada Data Peribadi yang anda berikan kepada kami secara langsung, kami juga boleh mengumpul Data Peribadi anda daripada pelbagai sumber seperti:
- apabila anda mengisi borang permohonan PLUS, borang pendaftaran atau borang lain;
  - apabila anda memberikan pertanyaan, maklum balas, aduan atau tuntutan;
  - dari sumber awam sedia ada seperti direktori-direktori;
  - dari interaksi anda dengan kami melalui laman media sosial kami, seperti mengikuti, memberi komen, menyukai atau menghantar pesanan kepada kami di laman tersebut;
  - apabila anda berinteraksi dan berkomunikasi dengan kami di mana-mana acara, aktiviti atau melalui surat menyurat;

- semasa anda memasuki peraduan dan sebarang tinjauan yang dianjurkan oleh kami;
  - daripada mana-mana entiti atau bahagian kami serta syarikat berkaitan, bersekutu atau gabungan PLUS (ini termasuk entiti-entiti dalam Kumpulan Syarikat PLUS);
  - dengan mengunjungi, berinteraksi, berkomunikasi dengan kami dan menggunakan perkhidmatan kami di platform atas talian kami, Data Peribadi anda juga boleh dikumpul dari kuki, suar web, GPS dan kaedah-kaedah teknikal lain yang boleh melibatkan penghantaran Data Peribadi sama ada secara langsung kepada kami atau kepada Pihak Ketiga Yang Diberi Kuasa untuk mengumpul maklumat bagi pihak kami yang digunakan di platform atas talian tersebut.
- 4.2 Platform atas talian yang dimiliki oleh kami boleh dihubungkan ke Laman Pihak Ketiga. Polisi Privasi ini tidak terpakai untuk Laman Pihak Ketigakerana laman tersebut adalah di luar kawalan kami. Sekiranya anda memilih untuk mengakses Laman Pihak Ketiga menggunakan pautan yang disediakan, pengendali laman tersebut dapat mengumpulkan maklumat peribadi anda. Anda perlu membaca dan memberikan persetujuan kepada Polisi privasi Laman Pihak Ketiga sebelum menyerahkan sebarang maklumat peribadi. Kami tidak akan bertanggungjawab di sisi undang-undang atau sebaliknya untuk aktiviti, Polisi privasi atau tahap pematuhan privasi Laman Pihak Ketiga.

## **5. Tujuan Penggunaan Data**

- 5.1 Sepanjang proses permohonan pekerjaan dan pekerjaan anda, kami boleh memproses Data Peribadi anda untuk tujuan berikut :-
- untuk menilai dan memproses permohonan anda;
  - untuk menjalankan proses pengambilan pekerja;
  - untuk menjalankan penilaian watak/ pemeriksaan kredit;
  - untuk menilai kesesuaian anda untuk bekerja dengan kami;
  - untuk tujuan pentadbiran dan pengurusan;
  - untuk memproses dan menyiasat sebarang tuntutan yang dibuat oleh anda;
  - untuk tujuan promosi produk atau perkhidmatan oleh PLUS;
  - untuk memproses penyertaan dalam sebarang acara, aktiviti, peraduan, promosi, undian atau tinjauan yang dianjurkan oleh PLUS;
  - untuk menjalankan analisis statistik;
  - untuk mematuhi kehendak undang-undang atau peraturan atau sebagaimana yang diberi kuasa oleh kehendak undang-undang atau peraturan di dalam dan di luar Malaysia;
  - untuk laporan tahunan dan profil syarikat;
  - sumber manusia dan pengurusan kakitangan seperti pekerjaan, prestasi, faedah, gaji dll. yang berkaitan dengan pekerjaan;

## LAMPIRAN D

- untuk cadangan perniagaan dan sebagaimana yang diperlukan untuk menjalankan aktiviti perniagaan;
- untuk tujuan pengesanan, pencegahan dan pendakwaan jenayah sama ada di dalam atau di luar Malaysia; dan
- untuk tujuan-tujuan lain yang telah diberikan persetujuan oleh anda.

Kecuali dinyatakan sebaliknya, maklumat anda adalah perlu bagi kami. Sekiranya anda tidak memberikan semua maklumat yang diminta, kami berkemungkinan tidak dapat menawarkan pekerjaan kepada anda.

- 5.2 Sekiranya anda tidak membenarkan kami memproses Data Peribadi anda untuk Tujuan-Tujuan seperti di dalam Perenggan 5.1, sila maklumkan kepada kami melalui alamat e-mel yang dinyatakan di dalam perenggan 12 (Maklumat Untuk Dihubungi) di bawah.

## 6. Penzahiran Data Peribadi

- 6.1 Sekiranya anda memohon pekerjaan di salah satu daripada syarikat-syarikat PLUS Malaysia Berhad, Kumpulan Syarikat PLUS, maklumat anda akan disampaikan kepada syarikat tersebut. Namun begitu, maklumat anda akan diproses oleh PLUS Malaysia Berhad (“PMB”) kerana Kumpulan Syarikat PLUS memusatkan fungsi dan peranan sumber manusia kepada PMB.
- 6.2 Maklumat anda juga akan didedahkan kepada entiti-entiti lain di dalam Kumpulan Syarikat PLUS untuk tujuan pengiraan faedah atau penyesuaian manfaat dan faedah semua Personel dalam Kumpulan Syarikat PLUS.
- 6.3 Kami juga boleh mendedahkan maklumat anda kepada Pihak Ketiga Yang Diberi Kuasa yang menyediakan perkhidmatan yang berkaitan dengan tujuan pengumpulan Data Peribadi. Sekiranya anda diambil bekerja oleh PMB atau mana-mana anggota Kumpulan Syarikat PLUS, kami akan mendedahkan maklumat anda kepada organisasi yang menyediakan dan mentadbir latihan dan pengembangan bakat, dan faedah Personel, seperti faedah perubatan, subsidi, skim insurans, skim pencen dan skim saham pekerja (jika ada).
- 6.4 Kami boleh mendedahkan maklumat peribadi anda jika dikehendaki untuk berbuat demikian oleh undang-undang atau dengan suci hati, jika tindakan tersebut diperlukan untuk:-
- mematuhi sebarang keperluan daripada badan-badan Kerajaan, badan kawal selia, agensi penguatkuasa undang-undang, perintah mahkamah atau proses undang-undang; atau
  - melindungi dan mempertahankan hak atau harta Kumpulan Syarikat PLUS dan penggunaannya.

- 6.5 Kami berkemungkinan menjual atau membeli syarikat, anak syarikat, atau unit perniagaan untuk terus mengembangkan perniagaan kami. Dalam urusan niaga tersebut, maklumat anda boleh didedahkan kepada pihak ketiga yang terlibat dalam transaksi tersebut.

## **7. Hak-Hak dan Pilihan-Pilihan**

- 7.1 Sekiranya anda ingin membuat sebarang pertanyaan, aduan, permintaan akses atau pembedaan, atau permintaan untuk kami menghadkan pemprosesan berkenaan Data Peribadi anda berkenaan dengan Tujuan Penggunaan Data seperti di dalam Perenggan 5 di atas, sila hubungi kami melalui alamat e-mel yang dinyatakan di dalam Perenggan 12 (Maklumat Untuk Dihubungi) di bawah.
- 7.2 Kami berhak untuk mengenakan bayaran untuk akses Data Peribadi anda dalam jumlah yang dibenarkan di bawah undang-undang. Berkenaan dengan hak anda untuk mengakses dan/ atau membetulkan Data Peribadi anda, kami berhak untuk menolak permintaan anda untuk mengakses dan/ atau membuat sebarang pembedaan kepada Data Peribadi anda atas sebab yang dibenarkan di bawah undang-undang, contohnya apabila kesan menyediakan akses kepada anda adalah tidak sepadan dengan risiko privasi terhadap anda atau orang lain.
- 7.3 Sekiranya anda berhasrat untuk menghadkan hak kami untuk memproses Data Peribadi anda, anda boleh menghubungi kami melalui alamat e-mel yang dinyatakan di dalam Perenggan 12 (Maklumat Untuk Dihubungi) di bawah.
- 7.4 Sekiranya anda tidak mahu Data Peribadi anda dikumpulkan melalui kuki di platform atas talian, anda boleh menyahaktifkan kuki dengan melaraskan tetapan pelayar internet anda untuk melumpuhkan, menyekat atau menyahaktifkan kuki, dengan memadamkan sejarah semak imbas anda dan membersihkan cache dari pelayar internet anda.
- 7.5 Bagi Pemohon Pekerjaan, kami tidak akan memberi kepada anda maklumat orang lain, termasuk dan tidak terhad kepada penilaian dan/ atau pandangan penemuduga atau penilai kami tentang anda

## **8. Data Peribadi daripada Seseorang di Bawah Umur dan Orang Lain**

- 8.1 Sekiranya Data Peribadi seseorang di bawah umur (individu di bawah umur lapan belas (18) tahun) diberikan kepada kami, sebagai ibu bapa atau penjaga sah mereka, anda dengan ini memberikan persetujuan untuk pemprosesan Data Peribadi individu di bawah umur tersebut dan secara peribadi menerima dan bersetuju untuk terikat dengan Notis Privasi ini dan bertanggungjawab ke atas tindakan individu di bawah umur tersebut.

- 8.2 Dalam sesetengah keadaan, anda boleh memberikan Data Peribadi yang berkaitan dengan orang lain seperti pasangan, ahli keluarga atau rakan anda dan dalam keadaan sedemikian anda mewakili dan menjamin bahawa anda telah diberi kuasa untuk memberikan Data Peribadi mereka kepada kami dan anda telah memperolehi persetujuan mereka untuk pemprosesan dan penggunaan Data Peribadi mereka mengikut cara yang dinyatakan di dalam Notis Privasi ini.

## 9. Penyimpanan Dan Pelupusan Data Peribadi

- 9.1 Maklumat anda akan disimpan untuk jangka masa yang wajar selari dengan undang-undang di Malaysia seperti berikut:
- pemohon-pemohon yang berjaya  
Sekiranya anda berjaya dalam permohonan anda, PLUS akan menyimpan maklumat anda selari dengan tempoh penyimpanan kami.
  - pemohon-pemohon yang tidak berjaya  
Sekiranya permohonan anda tidak berjaya, kami akan menyimpan maklumat anda untuk jangka waktu yang dibenarkan di bawah undang-undang kecuali anda meminta agar data tersebut dihapuskan daripada sistem pengambilan kami.
- 9.2 Sekiranya Data Peribadi anda tidak diperlukan lagi, Data Peribadi tersebut akan dilupuskan mengikut polisi dan prosedur berkaitan pelupusan data PLUS melainkan undang-undang di Malaysia menghendaki data tersebut diarkibkan untuk kepentingan umum.

## 10. Keselamatan Data

Kami memastikan keselamatan Data Peribadi seperti berikut:

- sistem kawalan keselamatan yang mencukupi dengan menggabungkan kawalan akses elektronik dan fizikal, teknologi *firewall* dan langkah-langkah keselamatan lain untuk melindungi keselamatan dan privasi Data Peribadi anda;
- Personel kami hanya mempunyai akses kepada Data Peribadi anda berdasarkan dasar "perlu tahu" (*need to know*); dan
- Pihak Ketiga Yang Diberi Kuasa kami telah menerapkan langkah-langkah keselamatan yang sesuai berdasarkan kontrak kami dengan mereka.

## **11. Pindaan Selanjutnya Dan Pertikaian**

- 11.1 Kami berhak untuk mengemas kini dan/ atau meminda Notis Privasi ini dari semasa ke semasa. Oleh yang demikian, anda berobligasi untuk membaca Notis Privasi ini setiap kali anda ingin memberikan Data Peribadi anda kepada PLUS.
- 11.2 Sekiranya anda terus memberikan Data Peribadi anda dalam apa-apa bentuk, contohnya, e-mel, panggilan telefon, surat dll., anda akan dianggap telah menerima perubahan di dalam Notis Privasi kami.
- 11.3 Sekiranya terdapat percanggahan di antara Notis Privasi versi Bahasa Inggeris dan bahasa lain, versi bahasa Inggeris akan diguna pakai dan diutamakan.

## **12. Maklumat Untuk Dihubungi**

Sekiranya anda ingin sebarang membuat pertanyaan, aduan, akses atau permintaan pembetulan atau permintaan untuk PLUS mengehadkan pemprosesan Data Peribadi anda yang berkaitan dengan Tujuan Penggunaan Data seperti yang dinyatakan di dalam Perenggan 5 di atas, anda boleh hubungi kami melalui e-mel seperti :

Ketua Jabatan Pematuhan & Integriti

- Projek Lebuhraya Usahasama Berhad: [DPO@plus.com.my](mailto:DPO@plus.com.my)
- JustGo Solutions Sdn Bhd: [DPO@justgo.com.my](mailto:DPO@justgo.com.my)
- Syarikat-syarikat lain di bawah Kumpulan PLUS: [compliance@plus.com.my](mailto:compliance@plus.com.my)